



PROSPECTWS 2025-26



Cysylltu

Pennaeth: Mrs Helen Oldfield BA

Ffôn: 01978 269580

e-bost: mailbox@broalun-pri.wrexham.sch.uk

Trydar: @BroAlunWreccsam

Cyfeiriad: Ysgol Bro Alun
Rhodfa Delamere
Gwersyllt
Wreccsam
LL11 4NG

Cadeirydd Llywodraethwyr: Mr Andrew Parry

Pennaeth Addysg: Mrs Karen Evans



PIC•COLLAGE



Ysgol Bro Alun
Rhodfa Delamere
Gwersyllt
Wrecsam
LL11 4NG

Annwyl Rieni a Gofalwyr

Croeso cynnes i chi i Ysgol Bro Alun. Gobeithio y byddwch chi a'ch plentyn yn hapus yn ystod y cyfnod y bydd eich mab/merch yn ddisgybl yma.

Mae dewis yr ysgol gywir ar gyfer eich plant yn hanfodol bwysig. Wrth ddewis mae rhieni rhan amlaf am i'w plant gael addysg dda, ond maent hefyd am iddyn nhw deimlo'n hapus ac yn ddiogel. Credwn yma yn Ysgol Bro Alun y gallwn gynnig addysg eang a chytbwys i'ch plentyn, a hynny mewn awyrgylch gyfeillgar, hapus a diogel. Mae pob un plentyn yn wahanol ac yn arbennig yn ei ffordd ei hun, ac yma yn Ysgol Bro Alun byddwn yn rhoi'r cyfle iddynt gyrraedd eu llawn potensial. Down i adnabod pob plentyn yn bersonol ac yn drylwyr er mwyn iddo dderbyn addysg gyflawn. Ceir perthynas agos a phartneriaeth dda a brwdfrydig rhwng yr holl staff, y plant a'r rhieni.

Gwerthfawrogwn a pharchwn ein disgyblion a chredwn y dylai eu cyfnod yn yr ysgol fod yn un hapus ac addysgiadol. O ddewis anfon eich plentyn i Ysgol Bro Alun, yr wyf yn hollol hyderus eich bod wedi gwneud y dewis cywir. Mae croeso i chi gysylltu â mi yn yr ysgol os oes gennych unrhyw ymholiadau neu gwestiynau pellach.

Yn gywir

Helen Oldfield
Pennaeth

Gair o groeso gan gadeirydd y llywodraethwyr

Ar ran y Corff Llywodraethol hoffwn ailadrodd croeso'r Pennaeth i rieni newydd a diolch i'r rhieni presennol am eu cefnogaeth barhaol. Rwy'n sicr y bydd y llyfryn hwn o ddefnydd i chwi nid yn unig nawr ond hefyd fel ac y mae'r flwyddyn yn symud ymlaen.

Rydym yn ymfalchïo yn Ysgol Bro Alun. Mae'r staff yn weithwyr proffesiynol gofalgarn a llawn cymhelliant ym mhob agwedd o addysgu ac o dan arweiniad ein Pennaeth, Helen Oldfield, rwy'n gwbl hyderus y bydd ein plant yn cael y cymorth maent ei angen i gyrraedd eu llawn botensial, waeth beth fo'i gallu.

Mae'r Corff Llywodraethwyr yn cynnig cefnogaeth weithredol i'r Pennaeth a'r staff i gyflawni nod ac amcanion yr ysgol wrth annog gwelliant mewn safonau ar draws y cwricwlwm yn barhaol. Fel Llywodraethwyr mae ganddom ddyletswyddau penodol a byddwn yn ymwelwyr mynych i'r ysgol.

Mae addysg ein plant yn garreg sylfaen angenrheidiol i weddill eu bywyd. Rydym yn ymrwymedig i ddarparu'r safon uchaf posib o addysg mewn awyrgylch ddiogel a gofalgarn o fewn yr un y byddant yn derbyn addysg drwyadl a diddorol drwy gydol eu blynyddoedd ffurfiannol.

Rydym yn edrych ymlaen at gyflawni hyn gyda'ch cymorth a'ch cefnogaeth chwi.

Yn gywir,

Andrew Parry

Cadeirydd Corff Llywodraethol Ysgol Bro Alun

Staff yr Ysgol

Pennaeth
Dirprwy Bennaeth

Mrs Helen Oldfield
Mrs Awel Watson-Smyth

Blynyddoedd Cynnar
Arweinydd

Mrs Elin Jones-Evans

Dryw
Pioden
Robin Goch
Alarch
Drudwen

Mrs Awel Watson-Smyth
Mrs Elin Jones-Evans
Mrs Elen Jones
Mrs Shona Evans
Miss Elin Morris/Miss Jessica Payne

Blynyddoedd 3-6
Arweinydd

Gwennol
Colomen
Hebog
Tylluan
Eryr

Miss Sioned Hughes
Mrs Iona Evans
Mr Sion Davies
Miss Mabli Jones
Mrs Ashley Fox – Williams
Miss Sioned Hughes

Cydllynydd ADY

Miss Jessica Payne (Ms Helen Pritchard)

Cymorthyddion Dosbarth

Mrs Victoria Walsh, Mrs Rachel Thomas, Miss Tammy Cartwright, Miss Melissa Bartley, Miss Alys Bartley, Mrs Elin Roberts, Mrs Eleri Penney, Miss Siona Glennie, Miss Amy Bartley, Miss Elen Taylor, Miss Angharad Hughes, Miss Megan Griffiths, Mrs Liz Jones, Miss Aaliyah Rogers

Ysgrifenyddes

Mrs Rhian Fisher/ Miss Megan Kendal

Gofalwr

Mr Howard Jones

Cynorthwywyr Amser Cinio

Mrs Victoria Walsh, Mrs Rachel Thomas, Miss Tammy Cartwright, Miss Melissa Bartley, Miss Alys Bartley, Mrs Elin Roberts, . Mrs Eleri Penney, Miss Siona Glennie, Miss Amy Bartley, Miss Elen Taylor, Miss Angharad Hughes, Miss Aaliyah Rogers, Miss Megan Griffiths, Mrs Liz Jones, Mrs Mandy Gavan, Miss Ellie Gavan

Cogyddes

Mrs Kim Wright

Clwb Brecwast / Clwb ar ôl Ysgol

Arweinydd
Goruchwylwyr

Miss Amy Bartley
Miss Alys Bartley, Mrs Mandy Gavan, Miss Ellie Gavan,
Miss Melissa Bartley, Mrs Eleri Penney, Miss Megan Griffiths

Llywodraethwyr yr Ysgol

Math o Lywodraethwr/ Type Of Governor	Enw/Name
Pennaeth	Helen Oldfield
Athro(awes)	Sioned Hughes
Staff	Swydd wag / Vacancy
Rhiant	Leanne Dawkins
Rhiant	Sian Willington
Rhiant	Kim Welsh
Rhiant	Alison Taylor
ALI	Margaret Jones
ALI	Phillip Edwards
ALI	Robert Gow
Cymunedol	Beril Akad
Cymunedol	Andrew Parry
Cymunedol	Sarah Squires
Cymunedol Ych.	Gwenfair Jones

Datganiad o'n Bwriad

Ein gweledigaeth ym Mro Alun yw darparu ysgol sy'n datblygu hunan hyder a hunan ddisgyblaeth y disgyblion mewn awyrgylch ofalgar, cynhaliol, hapus a diogel. Rydym yn ymrwymedig i fynnu'r safonau uchaf posib gyda pob plentyn yn cyrraedd ei lawn botensial. Yn greiddiol i hyn mae'r iaith Gymraeg a'r diwylliant Cymreig.

Ym Mro Alun rydym yn ymrwymedig i ddarparu addysg gyflawn o safon uchel er mwyn creu pobl ifanc cyflawn, gwydn a medrus fydd yn barod i wynebu'r byd a'i heriau yn hyderus a phositif. Bydd y disgyblion yn cael cyfleoedd i gyfranogi'n llawn yn eu dysgu er mwyn medru cyfrannu i fywyd yn y gymdeithas leol a'r byd ehangach.

Nod yr Ysgol

Creu amgylchfyd ac awyrgylch a fydd yn helpu pob plentyn i dyfu yn bersonoliaeth lawn a hyderus trwy roi cyfle iddo/iddi ddatblygu ei holl ddoniau hyd eithaf ei (g)allu.

Creu ymwybyddiaeth ynddo/ynddi o hawliau a lles eraill, a'i helpu i ddatblygu yn aelod cyfrifol o'r gymuned leol a'r gymdeithas ehangach.

Cynnig addysg o'r ansawdd uchaf posibl sydd yn adlewyrchu gofynion yr AALL a'r llywodraeth ganolog.

Galluogi pob disgybl i gymryd rhan lawn ym mywyd cymdeithasol a diwylliannol y gymdeithas ddwyieithog.

Amcanion yr Ysgol

Y Plentyn

Helpu'r plentyn i ddatblygu'n feddyliol, yn emosiynol, yn gymdeithasol, yn gorfforol ac yn ysbrydol, gan feithrin ynddo/ynddi'r gallu i werthfawrogi ceinder a harddwch y byd naturiol a'r hyn a grëwyd gan ddyn.

Awyrgylch ac Ethos

Sefydlu awyrgylch hapus a gweithgar yn seiliedig ar gydberthynas o barch a gofal athrawon â'i gilydd, athrawon â disgyblion, a disgyblion â'i gilydd, sydd yn galluogi disgyblion i ymagweddu'n gadarnhaol a datblygu eu hunan hyder.

Cwricwlwm

Sicrhau bod pob plentyn yn cael cyfle cyfartal trwy ddarparu ar ei gyfer gwricwlwm perthnasol, gwahaniaethol, eang a chytbwys sy'n cydymffurfio â gofynion y cwricwlwm newydd a pholisiau'r awdurdod addysg.

Trefniadaeth

Sicrhau cydlynedd a chydbwysedd trwy'r holl ysgol, manteisio ar wahanol arbenigedd a fewn yr ysgol, a rheoli adnoddau yn effeithiol.

Datblygiad Staff

Sicrhau datblygiad proffesiynol staff ac anghenion y disgyblion trwy raglen o hyfforddiant effeithiol.

Rhieni

Sefydlu perthynas gyfeillgar, gadarn a phroffesiynol rhwng yr ysgol a'r cartref sy'n galluogi athrawon a rhieni i drafod yn agored a chydweithio er budd y plant.

Adeiladau

Creu amgylchfyd glân, clyd a diddorol i ddisgyblion a staff. Ceisio cyfoethogi'r ddarpariaeth bresonnol yn chwaethus.

Y Gymuned

Cymryd rhan fywiog ym mywyd y gymuned er ennill parch y gymuned a meithrin yn y plant barch tuag at eu cymuned.

Ethos yr Ysgol

Mae'r ethos yr ysgol yn un hapus a threfnus a gellir gweld hyn yng ngofal yr athrawon o'r plant ac ym mharch y plant tuag at ei gilydd. Mae'n annog perthynas gynnes rhwng staff a disgyblion trwy gwrteisi, cyfeillgarwch a chyd-weithio.

Anogir y plant i ddangos parch at eiddo ac eraill tra'n datblygu ymwybyddiaeth o'r hyn sy'n iawn a'r hyn sydd ddim, ynghyd â chyfrifoldeb cymdeithasol. Gwelir y gofal a'r ddarpariaeth ar gyfer plant ag anghenion arbennig fel blaenoriaeth uchel. Ychwanegir hefyd at ddatblygiad diwylliannol y plant trwy ymweliadau oddi allan i'r ysgol i'r gymuned leol, i'r theatr a thrwy gymryd rhan yn Eisteddfod yr Urdd. Mae ymwelwyr i'r ysgol hefyd yn ychwanegu at brofiad y plant o'r byd ehangach.

Mae Ysgol Bro Alun yn mwynhau cefnogaeth gan rieni. Mae yma GRHA weithgar dros ben sy'n llwyddo i godi swm dda o arian yn flynyddol at gronfa'r ysgol. Cefnogwn nifer o elusennau'n flynyddol.

Dysgwn y plant i barchu eu hunain a'r hyn sydd o'u cwmpas ar safle'r ysgol. Mae'r ystafelloedd dosbarth yn lleoedd golau, prysur lle arddangosir gwaith y plant ac mae hyn yn ychwanegu at ddelwedd bositif yr ysgol.



PIC•COLLAGE



Statws Iaith

Ysgol Gymraeg yw Ysgol Bro Alun sydd, o dan y system gategoreiddio gyfredol, yn ysgol Categori 3.

Defnyddio'r Gymraeg ac Athroniaeth yr Ysgol

Mae dewis anfon eich plentyn i ysgol gynradd cyfrwng Cymraeg yn ddewis pwysig. Mae sawl mantais o fod yn ddwyieithog.

Er enghraifft

- Mae ymchwil yn dangos fod plant sy'n deall dwy iaith yn meddwl yn fwy hyblyg a chreadigol.
- Mae manteision economaidd amlwg yn hwyrach mewn bywyd pan fydd eich plentyn yn edrych am swydd, gan fod mwy o swyddi yng Nghymru heddiw yn gofyn am sgiliau dwyieithog nag erioed o'r blaen.
- Gall helpu i bontio rhwng cenedlaethau os oes nain neu daid neu aelodau o'r teulu yn fwy cyfforddus mewn un iaith.
- Mae'n cynnig cyfle i brofi dau ddiwylliant.

Siarter yr Iaith Gymraeg

Mae Ysgol Bro Alun wedi ymrwymo i ddilyn y flaenoriaeth Genedlaethol ' Siarter yr Iaith Gymraeg', gyda'r nod o gyfoethogi iaith trwy annog mwy o ddefnydd o'r iaith Gymraeg yn gymdeithasol – y tu allan i'r ystafell ddosbarth, yn ogystal ag annog mwy o wrando ar gerddoriaeth Cymraeg a gwyllo rhaglenni teledu Cymraeg. Mae'r ysgol wedi llwyddo i dderbyn y wobr Ôl Aur ym mis Mehefin 2025.



Gweithgareddau Siarter Iaith

Y Cwricwlwm

Mabwysiadodd yr ysgol y Cwricwlwm Newydd ym Medi 2022.

Mae ein cwricwlwm wedi ei ddatblygu gan ein disgyblion, staff, rhieni/gofalwyr. Llywodraethwyr a'r gymuned i gwrdd ag anghenion ein plant. Defnyddiwyd gwybodaeth am y plant a'r gymuned leol i ddylunio profiadau dysgu cyfoethog, ysgogol, creadigol ac amrywiol a fydd yn helpu ein plant i dyfu'n ddinasyddion Cymreig. Mae'r holl brofiadau dysgu a gynllunnir gan yr athrawon yn helpu ein plant i wireddu amcanion y cwricwlwm newydd. Mae dysgwyr Ysgol Bro Alun wedi bod yn rhan ganolog o gynllunio cymeriadau gwreiddiol i gynrychioli'r Pedwar Diben y Cwricwlwm sef Iolo Iach, Greta Galluog, Cledwyn Creadigol a Daf y Dinesydd. Mae'r Pedwar Diben yma wedi ei greiddiol i bob profiad a gaiff plentyn yn Ysgol Bro Alun er mwyn sicrhau bod ein plant yn ddinasyddion mwyaf uchelgeisiol, mentrus, moesegol ac iach y gallant fod.

Polisiau

Cynlluniwyd polisiau ar y pynciau â addysgir, polisiau statudol a'r polisiau â argymhellir a chant eu hadolygu'n rheolaidd gan y Corff Llywodraethol a'r staff. Mae croeso i riant ofyn am gopi o unrhyw bolisi a ddymunent ei weld.

Gwaith Cartref

Pan fod y dysgwyr yn barod, rydym yn cyflwyno'n cynllun 'Cyfrifo Cyflym a Sêr Sillafu' ar gyfer gwaith cartref. Bob wythnos, mae'r plant yn cael prawf mathemateg (Cyfrifo Cyflym) a sillafu Cymraeg (Sêr Sillafu) a Saesneg (Spelling Stars, o flwyddyn 3 i fyny). Os yw eich plentyn yn llwyddo, byddant yn symud at y cam nesaf er mwyn ymarfer ar gyfer yr wythnos ganlynol. Gofynnwn yn garedig i rieni a gwarchodwyr i gynorthwyo ac annog eu plant i ymarfer yn rheolaidd er mwyn gwella cyflymder eu mathemateg pen a chywirdeb eu sillafu. Defnyddir Seesaw er mwyn postio'r camau ymarfer cywir bob wythnos.



Trafod Gwaith y Plant

Os hoffech drafod gwaith eich plentyn gallwch gysylltu â'r ysgol i drefnu gweld yr athro ddosbarth. Trefnir noson agored i rieni yn ystod Tymor yr Hydref a'r Gwanwyn, a noson i drafod adroddiad diwedd blwyddyn yn ystod wythnosau olaf Tymor yr Haf.

Darllen

Dyma'r gwaith cartref pwysicaf o bell ffordd. Mae'n hanfodol bwysig fod plentyn ifanc yn cael cyfle i fagu diddordeb mewn llyfrau a datblygu i fod yn ddarllenwr brwd a hyderus. Gall rhieni gyfrannu llawer iawn yn y maes yma thrwy ddarllen storiâu i'w plant ifanc yn rheolaidd ac yna wrando ar eu plant yn darllen yn gyson. Mae angen trafod y stori, y cymeriadau a'r sefyllfa. Wrth i blentyn ddatblygu i fod yn ddarllenwr rhugl, mae'n bwysig dal i'w annog a'i ysgogi i ddarllen ychydig bob nos.



Addysg Gorfforol

Ein nod yw cyflwyno ystod eang o brofiadau chwaraeon i alluogi'r holl blant i ymuno a mwynhau. Gobeithiwn

- ddatblygu sgiliau corfforol
- hyrwyddo agwedd bositif at gadw'n iach a heini
- ddatblygu dealltwriaeth a phwysigrwydd cyd-chwarae o fewn tîm

Mae gennym gae eang a chwrt caled. Byddwn yn cystadlu mewn nifer o dwrnamentau chwaraeon yn ystod y flwyddyn, e.e. pêl-droed, rygbi, nofio, pêl-rwyd, athletau, rownderi a.y.y.b.

Cynhelir Clwb Chwaraeon i blant Bl 5–6 yn ystod tymhorau'r hydref/ haf.

Bydd pob dosbarth yn cael gwers Addysg Gorfforol unwaith yr wythnos yma yn yr ysgol Eleni, bydd plant Blynnyddoedd 3– 6 hefyd yn cael gwersi nofio am gyfnod ym mhwill nofio Gwyn Evans. Bydd plant Blwyddyn 3–6 yn cael gwersi tenis a gwersi gymnasteg yn Queensway. Bydd y gwersi yma yn para am 1 awr, gyda bws yn cludo'r plant. Bydd pob dosbarth yn eu tro yn mynychu'r gwersi am hanner tymor.

Bydd disgwyl i bob plentyn wisgo'n addas ar gyfer gwersi ymarfer corff, h.y. crys-t/polo gwyn, siorts du neu glas tywyll a siwmpwr ysgol.



PIC•COLLAGE

Cerddoriaeth

Mae Cerddoriaeth yn chwarae rhan bwysig ym mywyd yr ysgol. Byddwn yn cystadlu'n flynyddol yn Eisteddfod yr Urdd. Rhaid i blant ymaelodi â'r Urdd er mwyn cael cymryd rhan yn yr Eisteddfod.

Cynigir gwersi cerddoriaeth yn yr Ysgol gan gwmni Cerdd Cydweithredol Wrecsam. Ynghyd â Chyngor Wrecsam maen't yn cynning hyfforddiant cerddorol wedi'i ariannu ar gyfer dysgwyr Prydau Ysgol am ddim.



Pontio

Cydweithio yw pontio, a gwneud hynny mewn sawl ffordd:

- rhwng y Cylch Meithrin a'r ysgol (y Cylch wedi'i leoli yn adeilad yr ysgol)
- rhwng y gwahanol ddosbarthiadau
- rhwng Ysgol Bro Alun ac Ysgol Morgan Llwyd (ymweliad gan athrawon Ysgol Morgan Llwyd a rhaglen o ymweliadau gan blant Bl 5 a 6 â Morgan Llwyd dros y ddwy flynedd olaf yn yr ysgol gynradd).

Addysg Cydberthnasoedd a Rhywioldeb

Mae ein darpariaeth ACRh yn gynhwysol sy'n datblygu ymwybyddiaeth a dealltwriaeth o wahanol hunaniaethau, safbwyntiau a gwerthoedd ac amrywiaeth o berthnasoedd, rhywedd a rhywioldeb, gan gynnwys bywydau LGBTQ+.

Rydym yn parhau i weithio'n agos gyda'r NSPCC a'n cydlynnydd Ysgolion Iach i gynnig cynnwys sy'n briodol i bob oedran.

Credwn y dylai addysg rhyw fod yn rhan o addysg pob plentyn a'i fod yn elfen bwysig yn ei ddatblygiad cymdeithasol. Mae addysg rhyw yn cael ei integreiddio o fewn cwricwlwm ysgol drwy themâu traws cwricwlaid ac wedi ei gysylltu o fewn y chwe Maes Dysgu a Phrofiad fel yn briodol. Mae ACRh yn ofyniad mandadol o fewn y Cwricwlwm i Gymru 2022 i bob dysgwr o oedran 3 i 16. Mae'r Cod yn nodi nad oes hawl i ddysgwyr gael eu heithrio o unrhyw ran o ACRh.

Addysg Grefyddol a Chydaddoli

Mae Crefydd, Gwerthoedd a Moeseg (CGM) yn un o ofynion statudol Cwricwlwm i Gymru ac yn fandadol i bob dysgwr rhwng 3 ac 16 oed. Bydd disgyblion nid yn unig yn cael y cyfle i ddatblygu eu gwybodaeth am grefydd ac argyhoeddiadau/ safbwyntiau athronyddol anghrefyddol, ond hefyd yn dysgu sut i gynnal sgysiau a barn cytbwys a gwybodus yn annibynnol, bod yn adfyfyriol a gallu gwerthuso mewn modd teg a beirniadol. Byddant yn ddinasyddion gwybodus a moesegol sydd â'r gallu i gymryd rhan weithredol a chyfrannu fel aelodau o'u cymunedau boed yn lleol, yn genedlaethol neu'n fyd-eang.

Anghenion Dysgu Ychwanegol

(Cydlynnydd ADY – Miss Jessica Payne)

Yn ein hysgol ni rydym yn defnyddio'r diffiniad o ADY allan o'r Côt (2021).

Mae'n datgan:

"Mae Anghenion Dysgu Ychwanegol" ("ADY") yn golygu'r hyn sydd yn Pennod 2 y Ddeddf sef

- 1) Mae gan berson anghenion dysgu ychwanegol os oes ganddo anhawster dysgu neu anabledd (pa un a yw'r anhawster dysgu neu'r anabledd yn deillio o gyflwr meddygol ai peidio) sy'n galw am ddarpariaeth ddysgu ychwanegol.
- 2) Mae gan blentyn sydd o'r oedran ysgol gorfodol neu berson sy'n hŷn na'r oedran hwnnw anhawster dysgu neu anabledd –
- 1) os yw'n cael anhawster sylweddol fwy i ddysgu na'r mwyafrif o'r rhai eraill sydd o'r un oedran.
- 2) os oes ganddo anabledd at ddibenion Deddf Cydraddoldeb 2010 sy'n ei atal neu'n ei lesteirio rhag defnyddio cyfleusterau addysg neu hyfforddiant a ddarperir yn gyffredinol ar gyfer eraill sydd o'r un oedran mewn ysgolion prif ffrwd a gynhelir neu sefydliadau prif ffrwd yn y sector addysg bellach.

Yn ogystal mae'n bwysig cadw mewn cof: (Pennod 2 o'r Côt ADY Cymru 2021):

2.25 Ni fydd gan bob plentyn a pherson ifanc sydd ag anabledd (fel y'i diffinnir gan Ddeddf Cydraddoldeb 2010) ADY. Dim ond pan fydd yr anabledd y plentyn neu'r person ifanc yn ei atal neu ei lesteirio rhag ddefnyddio cyleusterau addysgol neu hyfforddi o'r math a ddarperir yn gyffredinol i eraill o'r un oedran mewn ysgolion prif ffrwd a gynhelir neu sefydliadau ADY (oni bai bod ganddo ADY oherwydd bod ganddo *anhawster dysgu* 'n galw am DDdY).

2.28 Os yw'r iaith (neu'r ffurf ar iaith) y mae neu y bydd person yn cael ei addysgu ynddi yn wahanol i iaith (neu ffurf ar iaith) sy'n cael neu sydd wedi cael ei defnyddio gartref, nid yw hynny'n unig yn golygu bod gan y person anhawster dysgu neu anabledd – a bod ganddo ADY.

2.32 ...ni fydd gan bob plentyn a person ifanc sydd â chyflwr meddygol ADY. Fel yn achos dysgwyr eraill, y cwestiwn bob amser yw p'un a oes gan y plentyn neu'r person ifanc anhawster dysgu neu anabledd sy'n galw am DDdY. Bydd yna achosion lle and oes gan blentyn neu berson ifanc â chyflwr meddygol anhawster dysgu neu anabledd, neu os oes ganddo, nid yw'r anhawster dysgu neu anabledd ddim yn galw am DDdY. Yn yr achosion hyn, dylid diwallu anghenion y plentyn neu'r person ifanc drwy ddulliau eraill.

(DDdY = *Darpariaeth Ddysgu Ychwanegol*)

- 3) Pan benderfynir rhoi cefnogaeth ADY i ddisgybl, byddwn yn siarad â'r rhieni a'r plentyn lle bo hynny'n briodol. Byddwn yn cytuno ar yr addasiadau, ymyrraeth a chefnogaeth gorau, ynghyd â'r effaith ddisgwyliedig ar gynnydd, datblygiad neu ymddygiad, a phennu dyddiad ar gyfer adolygiad. Mae cynhwysiad llawn â'r dosbarth yn bwysig ym Mro Alun, ond bydd ymyrraethau rheolaidd yn eu lle hefyd i gefnogi'r plentyn. Bydd yr ymyrraethau hyn yn amrywio o weithgareddau un-i-un neu mewn grwp, efo staff profiadol, sydd wedi derbyn hyfforddiant. Yr athro ddosbarth fydd yn gyfrifol am gydlynw efo'r staff hynny, rhieni a'r Cydlynnydd ADY i drafod cynnydd y plentyn a'r camau nesaf. Mae croeso i rieni gysylltu efo'r Ysgol i drefnu cyfarfod sy'n gyfleus â phawb os oes ganddynt yn rhyw bryderon.

Gweithgareddau Ychwanegol

Cynigir gweithgareddau allgyrsiol yn ystod y flwyddyn:

Clwb Chwaraeon – cynhelir Clwb Chwaraeon i blant Bl 3–6 unwaith yr wythnos pan fo'r tywydd yn caniatáu yn ystod Tymor yr Hydref/ Haf.

Clwb yr Urdd – byddwn yn paratoi at Eisteddfod yr Urdd yn ystod Tymor y Gwanwyn gan gynnal ymarferion cerdd a llefaru/ actio i blant o flwyddyn 1–6 yn achlysurol ar ôl ysgol.

Clybiau Amser Cinio– cynhelir clybiau amrywiol yn ystod amser cinio gan bwyllgorau yr ysgol. Bydd y clybiau ym amrywio yn flynyddol, yn dilyn llais y plentyn.

Codi Tâl am Weithgareddau

Y mae'r Corff Llywodraethol yn cydnabod cyfraniad gwerthfawr gweithgareddau ychwanegol i addysg academaidd, bersonol a chymdeithasol disgyblion. Yn gyfreithlon, ni ellir gorfodi tâl ar rieni am y gweithgareddau hyn, ond gofynnwn yn garedig am gyfraniad gwirfoddol i gyfarfod y costau hyn. Mae hawl gan y Pennaeth a'r Corff Llywodraethol i ddileu gweithgaredd a drefnwyd os yw'n ymddangos y byddai cyfraniadau gwirfoddol isel gan rieni yn golygu colled sylweddol i'r ysgol.

Gall plant sydd yn gymwys gael caniatâd i beidio talu cost llety a bwyd ar ymweliadau preswyl.

Clwb Brecwast

Mae Clwb Brecwast yn rhedeg bob bore ac yn agor am 8.00yb. Mae pob plentyn sy'n dod i'r clwb rhwng 8.00 – 8.20 yn talu £2 y dydd ond yn rhad ac am ddim i bob plentyn sydd yn dymuno cael brecwast rhwng 8.20 a 8.40. I'r plant sy'n gymwys i gael cinio am ddim mae cost o 50c rhwng 8.00 a 8.20. Mae'r Clwb yn cau am 8.40yb. Rhaid bod yn yr ysgol erbyn 8.40 i gael brecwast. Rhaid i rieni/gofalwyr arwyddo'r plant i mewn i'r clwb wrth eu danfon i'r ysgol. Bydd angen bwcio a thalu ar Parentpay o flaen llaw.

Clwb Ar Ôl Ysgol

Mae Clwb ar ôl ysgol yn rhedeg o 3.15 tan 5.10 bob dydd. Rhaid i rieni/gofalwyr bwcio a thalu ar Parentpay o flaen llaw.

Polisi Derbyn yr Ysgol

Derbynnir plant i'r ysgol yn rhan amser ym mis Medi yn dilyn eu pen blwyddi yn 3 oed. Byddant yn dod i'r ysgol am sesiwn y bore o 9.00 – 11.30y.b. Derbynnir plant i'r ysgol yn llawn amser ym mis Medi yn dilyn eu pen blwyddi yn 4 oed. Disgwylir i'r plant fynychu yn rheolaidd ar ôl cael eu cofrestru yn yr ysgol.

Rhoddir blaenoriaeth mynediad i blant sy'n byw o fewn dalgylch yr ysgol a phlant sydd â brodyr a chwiorydd yn yr ysgol yn barod. Am fanylion pellach dylid cysylltu a gwneud cais am le drwy Adran Mynediad i Ysgol Cyngor Wrecsam ([01978 295427](tel:01978295427)).

Mae'n hanfodol bwysig fod gan yr ysgol y wybodaeth ganlynol:

- Enw a chyfeiriad rhieni;
- Rhif ffôn adre a rhifau ffôn gwaith/rhif ffôn symudol;
- Rhif ffôn unrhyw un arall y medrwn gysylltu â hwy os na fedrwn gysylltu â rhiant;
- Enw a chyfeiriad meddyg y plentyn.

45 yw rhif derbyn swyddogol yr ysgol a 360 yw'r rhif capasiti disgyblion llawn amser.

Amseroedd Agor a Chau

Bore	9.00	–	12.00
Prynhawn	1.00	–	3.15

Disgwylir fodd bynnag i bob plentyn gyrraedd yr ysgol rhwng 8.50 a 9.00 y bore. Ni dderbynnir cyfrifoldeb am unrhyw blant sy'n cyrraedd cyn 8.50am neu sydd dal ar dir yr ysgol ar ôl 3.30pm heblaw bod y plant yng nglwb brecwast neu clwb ar ôl ysgol.

Oriau dysgu:	Babanod	–	21 awr yr wythnos
	Iau	–	23.5 awr yr wythnos

Trefn Amddiffyn Plant

Mae diogelu plant o bwysigrwydd mawr yma yn Ysgol Bro Alun. Mae'n ddyletswydd statudol ar yr ysgol i gyfeirio unrhyw amheuaeth o gam-drin plant i'r asiantaethau priodol er lles y plentyn. Gall hyn olygu cam-drin corfforol, rhywiol, emosiynol neu esgeulustod.

Gofal a Disgyblaeth

Ceisiwn greu cymuned arbennig o fewn yr ysgol, gydag awyrgylch o gyd-fyw a chydweithio hapus. Rhoddir llawer o bwyslais ar:

- Meithrin a chynnal parch rhwng disgyblion â'i gilydd a hefyd rhwng holl staff yr ysgol a'r plant.
- Meithrin hunanddisgyblaeth yn y plant i weithio'n annibynnol ac i deimlo'n gyfrifol am yr hyn a wnânt.
- Meithrin parch at eiddo eraill.
- Meithrin parch at yr ysgol a'i hamgylch.fyd.

Rydym yn ceisio gosod lefel uchel o ddisgyblaeth ac yn gwneud hynny yn y modd canlynol:

- Dod i adnabod ein disgyblion yn dda.
- Canmol ymddygiad ac ymdrechion da pob disgybl.
- Codi ymwybyddiaeth o'r angen am reolau ysgol.
- Ymdrin ag ymddygiad annerbyniol.
- Ymateb yn syth i bob problem a gyfyd.

Os bydd ymdrechion yr ysgol i ddatrys problem ddisgyblaeth yn aflwyddiannus, yna byddwn yn cysylltu â'r rhieni/gofalwyr.



Salwch

Gyda rhai afiechydon, mae Awdurdod Iechyd Sir Wrecsam yn argymhell i'ch plentyn gadw'n glir o'r ysgol am nifer o ddyddiau:

- Y Frech Ieir – 7 diwrnod ar ôl darganfod y frech
- Y Frech Goch – 7 diwrnod ar ôl darganfod y frech
- Y Frech Almaeneg – 4 diwrnod ar ôl darganfod y frech
- Clwy'r Pennau – 7 diwrnod ar ôl i'r clwy' ddiflannu
- Y Pâs – 21 diwrnod ar ôl dechrau pesychu

Dylech roi gwybod i'r Pennaeth am unrhyw un o'r afiechydon hyn. Os oes gan eich plentyn 'verruca' neu 'droed athletwr' dylid rhoi gwybod i'r Pennaeth gan na fydd y plentyn yn cael cymryd rhan yn y gwersi nofio, os nad yw'n gwisgo hosan arbennig.

Mae llau pen i'w darganfod yn achlysurol ymhob ysgol yn ei thro. Carem i chwi archwilio gwallt eich plentyn yn gyson a hysbysu'r ysgol os bydd problem.

Rydym yn argymhell i chi beidio ag anfon eich plentyn i'r ysgol os ydi wedi bod â dolur rhydd neu'n taflu fynny yn ystod yr 12 awr cyn amser ysgol a'u cadw gartref am 48 awr ar ôl iddynt wella.

Os digwydd i'ch plentyn fod yn sâl yn ystod oriau'r ysgol, fe wnawn bob ymdrech i gysylltu â chi cyn cymryd cyngor meddygol.

Cyflwyno Moddion

Pan fo plentyn i gymryd moddion dylai rhieni/gofalwyr geisio ei roi iddynt cyn ysgol, ar ôl ysgol ac yn y nos. Fodd bynnag, gallai fod amseroedd pan nad ydi hynny'n bosibl a bod rhaid i'r plentyn gael moddion yn yr ysgol. Yn yr achosion hyn, dylai'r moddion:

- a. fod o fewn y dyddiad;
- b. bod â label sy'n cynnwys cyfarwyddiadau clir;
- c. bod ag enw'r plentyn ar y label;
- ch. bod yn y botel/pecyn gwreiddiol fel y cafwyd gan y doctor/fferyllfa;

Mae'n rhaid i'r rhiant/gofalwr gwblhau ffurflen o'r ysgol sy'n rhoi manylion pryd a faint o'r moddion i'w roi i'r plentyn a lle i gadw'r moddion.

Caiff plant sy'n dioddef o'r fogfa (Asthma) ddod â phwmp i'r ysgol a'i roi yng ngofal ei athro ddosbarth. Yn ddelfrydol dylai cynllun gofal asthma gael ei adael yn yr ysgol efo'r pwmp a 'spacer'.

Absenoldebau

Mae presenoldeb rheolaidd yn hynod bwysig, a chyfrifoldeb cyfreithiol rhieni yw sicrhau hyn. Pan fo'ch plentyn yn absennol dylech gysylltu â'r ysgol cyn gynted â phosib i egluro'r rheswm. Os ydych yn gwybod y bydd eich plentyn yn absennol, e.e. apwyntiad doctor, deintydd, ysbyty, a.y.b., danfonwch nodyn atom yn cynnwys y dyddiad. Mae peidio ag anfon nodyn yn golygu ein bod yn cofnodi'r absenoldeb fel 'Absenoldeb heb ganiatâd'.

Mae'n ddyletswydd arnom fel ysgol i hysbysu'r Awdurdod Addysg pan fo plentyn yn 'absennol heb ganiatâd' yn gyson. Os oes gan blentyn o leiaf 20 sesiwn (10 diwrnod ysgol) o absenoldeb diawdurdod, beth bynnag fo'r rheswm (gan gynnwys gwyliau, bod yn hwyr ar ôl amser cau'r cyfnod cofrestru neu unrhyw absenoldeb diawdurdod arall) gall yr ysgol ofyn i'r Awdurdod Lleol gyflwyno hysbysiad cosb i'r rhieni/gwarchodwyr. Gall y broses hon arwain at ddirwy. Mae hyn yn berthnasol i ddisgyblion Blwyddyn 1 i Flwyddyn 6.

Presenoldeb 2024/2025

Presenoldeb	Absenoldeb efo awdurdod	Absenoldeb heb awdurdod
93.9%	5.8%	0.3%

Gohebiaeth Ysgol

Danfonir pob llythyr ysgol i rieni ar ap yr ysgol neu ar SEESAW. Anfonir cylchlythyr ar ap yr ysgol yn rheolaidd efo newyddion a gwybodaeth am weithgareddau'r ysgol.

Cinio

Darperir cinio am hanner dydd i unrhyw blentyn sy'n dymuno hynny. Goruchwylir y plant gan staff wedi eu hapwyntio i'w swyddi gan Lywodraethwyr yr ysgol. Gallwch ddewis prydau llysieuol i'ch plentyn os dymunwch. Gellir dod â brechdanau i'r ysgol, ond ni ddylid cynnwys diod 'ffisi' na fferins yn y pecyn bwyd. Bydd angen archebu cinio ar ParentPay erbyn 8:00. Byddwch yn derbyn cod unigryw pan fydd eich plentyn dechrau yn yr ysgol er mwyn creu cyfrif ParentPay. Byddwn yn derbyn taliadau tripiâu, gwersi tenis, nofio a.y.b. ar ParentPay. Pa un ai ydy'ch plentyn yn cael cinio ysgol neu frechdanau, disgwylir ymddygiad o'r radd flaenaf wrth y bwrdd cinio gan ddangos parch at y goruchwylwyr ac ufuddhau i'w gorchmynion.

Cynllun Llaeth am Ddim

Cynigir llaeth rhad ac am ddim i holl blant y Cyfnod Sylfaen.

Teithiau Allan o'r Ysgol

Yn ystod y flwyddyn mae'n debygol iawn y bydd eich plentyn yn derbyn rhyw gymaint o'i addysg y tu allan i'r ysgol, e.e. ymweliadau â theatr, llyfrgell, canolfan/adeilad arbennig a.y.b. Bydd gofyn i rieni lenwi ffurflen ganiatâd arbennig a byddwn yn sicrhau bod goruchwylwyr digonol ar gyfer yr ymweliad. Byddwch yn cael gwybod am yr ymweliadau mewn da bryd, a gofynnwn i'r disgyblion i gyd wisgo eu gwisg ysgol.

Gwybodaeth Bersonol

Mae'n bwysig ein bod yn cadw cofnod o enw llawn y plentyn, enwau rhieni, cyfeiriad, rhifau ffôn a.y.b. Gofynnwn am rif ffôn cyswllt brys hefyd rhag ofn na fedrwn gysylltu â'r rhieni. Os oes unrhyw newid yn y wybodaeth a roddir, rhaid cysylltu â'r ysgol yn syth. Rhaid rhoi gwybodaeth i'r ysgol am unrhyw anhwylder meddygol, e.e. alergedd, asthma a.y.b., a chynnwys enw, cyfeiriad a rhif ffôn eich meddyg teulu.

Diogelwch yn yr ysgol

Mae diogelwch eich plentyn yn hynod bwysig. Mae gan yr adeilad system ddiogelwch sy'n cydymffurfio â rheolau tân. Rhaid i bob ymwelydd ganu'r gloch wrth y brif fynedfa. Nod yr ysgol yw creu amgylchedd diogel i'r plant weithio a byw ynddi, gan sicrhau arolygaeth briodol yn ôl y galw a chreu ymwybyddiaeth mewn plant o bwysigrwydd diogelwch.

Cyfle Cyfartal

Dibenion addysg yw:

"Helpu i ddatblygu gwerthoedd moesol, personol, parch at werthoedd crefyddol, goddefgarwch at hiliau eraill, crefyddau eraill a ffyrdd eraill o fyw, helpu disgyblion i ddeall y byd y maent yn byw ynddo a chyd-ddibyniaeth unigolion, grwpiau a chenhedloedd."

Gwell Ysgolion

Adran Addysg a Gwyddoniaeth 1985

Ein nod yw rhoi cyfle i bob plentyn ddatblygu'n gorfforol, yn feddyliol, yn foesol, yn ysbrydol ac yn gymdeithasol a hynny mewn awyrgylch lle perchir rhyddid ac urddas. Ceisiwn warchod plant rhag unrhyw weithgaredd a allai hybu gwahaniaethau ar sail hil, lliw, crefydd, rhyw neu unrhyw wahaniaeth arall. Mae gan bob plentyn hawl i ddatblygu ei alluoedd, i fynegi barn gytbwys, ynghyd â chyfrifoldeb moesol a chymdeithasol, a thyfu'n aelod defnyddiol o'i gymdeithas. Mae rhoi cyfle cyfartal yn ei alluogi i wneud hyn.

Y Gymdeithas Rhieni ac Athrawon

Mae yma Gymdeithas Rhieni ac Athrawon weithgar yn Ysgol Bro Alun sy'n cyfarfod unwaith bob tymor i drefnu gweithgareddau i godi arian tuag at yr ysgol. Mae croeso i bob rhiant fynychu'r cyfarfodydd a'n gobaith yw y bydd pob teulu'n cefnogi'r gweithgareddau a drefnir.

Cyfarfod Blynyddol y Rhieni

Mae'n ofynnol i bob ysgol gynnal cyfarfod blynyddol i rieni. Bydd y rhieni wedi derbyn adroddiad ysgrifenedig o flaen llaw am holl waith y Corff Llywodraethol yn ystod y flwyddyn. Bydd y rhieni a'r Llywodraethwyr wedyn yn trafod yr adroddiad. Gallwch godi unrhyw bwynt y dymunwch yn y cyfarfod hwn er mwyn i'r Llywodraethwyr ei ystyried yn eu cyfarfod nesaf.

Gwisg Ysgol

Defnyddir gwisg ysgol swyddogol yn Ysgol Bro Alun:

- Crys chwys neu gardigan wyrdd (emrallt) gyda logo'r ysgol
- Crys polo coch
- Trowsus neu sgert du/llwyd plaen (nid trowsus chwaraeon gyda phatrwm neu linellau gwyn arno)
- Esgidiau duon nid sandalau

Yn yr haf, caniateir i ferched wisgo ffrogiau 'gingham' gwyrdd ac i fechgyn a merched wisgo siorts llwyd/du.

Gellir archebu'r crysau chwys/cardigan a'r crysau polo, gyda logo'r ysgol arnynt o **RAM Leisure and Workwear LTD** Wrecsam.

Rhaid rhoi enw/labeli ar y dillad os gwelwch yn dda.



Colur, Clustdlysau a Modrwyau

Oherwydd diogelwch, ni chaniateir gwisgo colur, clustdlysau (ar wahân i styds), modrwyau na chadwyni. Ni ddylid chwaith ddod ag unrhyw beth gwerthfawr i'r ysgol. Ni ellir dal yr ysgol yn gyfrifol am unrhyw golledion.

Y Drefn Gwyno

Y ffordd orau i ddatrys unrhyw gwyn neu problem yw trwy drafod gyda'r pennaeth ac yna'r athro/athrawes ddosbarth neu unrhyw aelod arall o staff yr ysgol. Ni ddylid ceisio datrys problemau a gyfyd rhwng disgyblion trwy gysylltu'n uniongyrchol â'u rhieni. Mae'n llawer gwell cysylltu â'r ysgol i ddechrau gan ei fod fel arfer yn bosib datrys problemau'n rhwydd. Fodd bynnag, os nad ydych yn fodlon ag ymateb yr ysgol, dylid cyflwyno'r gwyn mewn ffurf ysgrifenedig at Gadeirydd y Llywodraethwyr. Dylai'r fersiwn ysgrifenedig nodi natur y gwyn yn berffaith glir.

Cynllun Bwyta'n Iach

Yn ystod y blynyddoedd diwethaf, mae llawer o dystiolaeth wedi ei gasglu i gefnogi'r farn bod diet yn cael effaith uniongyrchol ar iechyd. Yn unol â hyn, rydym yn ceisio hyrwyddo'r pwysigrwydd o fwyta'n iach. Ni chaniateir i'r plant ddod â fferins, creision, bisgedi, cacen, siocled i'w fwyta yn ystod amser chwarae ond gall eich plentyn ddod a ffrwythau neu llysiau fel bwyd bore. Os ydy'ch plentyn yn dewis dod â phecyn bwyd i'w ginio, argymhellwn yn gryf eich bod yn cynnwys bwydydd iach, brechdanau, pasta, caws, iogwrt, llysiau amrwd, ffrwythau a.y.b. Ceisiwch osgoi bwydydd llawn braster a siwgr. Mae peiriant dwr oer yn yr ysgol a gofynnwn i bob plentyn ddod â photel i'r ysgol yn ddyddiol.



Crynodeb o Ganllawiau i Rieni

1. Disgwylir i bob plentyn gydymffurfio â rheolau'r ysgol. Os bydd unrhyw blentyn yn camymddwyn, gall y gosb amrywio o aros i mewn yn ystod amser chwarae, colli breintiau, gwaith neu ddyletswydd ychwanegol.
2. Disgwylir i'r plant ddod i'r ysgol yn brydlon rhwng 8.50 a 9.00 y bore.
3. Dylid cyfeirio pob gohebiaeth i'r Pennaeth. Yn y cyswllt yma disgwylir:
 - (a) Ebost/llythyr o eglurhad os bu plentyn yn absennol.
 - (b) Ebost/llythyr caniatâd os yw plentyn yn ymweld â'r deintydd, meddyg a.y.b. yn ystod oriau'r ysgol.
 - (c) Ebost/llythyr o eglurhad os dymunir i'r plentyn gael ei esgusodi o'r gwersi nofio/chwaraeon/addysg gorfforol a.y.b.
 - (ch) Ebost/llythyr neu alwad ffôn os dymunwch ymweld â'r ysgol i drafod addysg eich plentyn. Yn ystod y flwyddyn ceir nosweithiau rhieni yn rheolaidd i drafod datblygiad.
4. Disgwylir i'r plant archebu cinio ar ParentPay erbyn 8 o'r gloch.
5. Cyfeiriwch at y Polisi Rheoli Anghenion Iechyd ar wefan yr ysgol am wybodaeth am roi meddyginiaeth i ddisgyblion.
6. Disgwylir i rieni hysbysu'r ysgol o unrhyw gyflwr meddygol a allai effeithio ar waith neu ymddygiad y plentyn.
7. Disgwylir safon uchel o ymddygiad gan blant sydd yn teithio i'r ysgol mewn tacsi neu fws.
8. Y mae gan yr ysgol hon wisg ysgol swyddogol. Mabwysiadwyd y drefn hon ar gais y rhieni, a disgwylir i bawb wisgo'r wisg swyddogol.
9. Ni chaniateir siocled, fferins na chreision i'w bwyta amser egwyl.
10. Disgwylir i rieni roi enwau ar ddillad eu plant.
11. Dylai pob plentyn newid i ddillad addas i wneud Addysg Gorfforol.
12. Mae'n ofynnol i rieni lenwi ffurflen ganiatâd cyn y caniateir i'w plentyn fynychu ymweliadau tu allan i'r ysgol.
13. Os oes trefniadaeth wahanol i'r arfer wrth i blentyn fynd adref o'r ysgol, yna dylid rhoi gwybod i'r ysgol. Ni chaniateir i blentyn fynd adref o'r ysgol gyda ffrind heb wybodaeth ymlaen llaw gan y rhieni.
14. Dylai rhieni gysylltu â'r ysgol i wneud apwyntiad os ydynt am weld aelod o staff ynglŷn ag addysg neu les eu plentyn.

Dyddiadau Tymor Ysgol 2025/26



Ysgol Bro Alun

DYDDIADAU GWYLIAU YSGOL 2025–2026



TYMOR YR HYDREF

AGOR:	DYDD MERCHER, 3 MEDI 2025
YN CAU:	DYDD GWENER, 24 HYDREF 2025
AGOR:	DYDD LLUN, 3 TACHWEDD 2025
YN CAU:	DYDD GWENER, 19 RHAGFYR 2025



TYMOR Y GWANWYN

AGOR:	DYDD MAWRTH 6 IONAWR 2026
YN CAU:	DYDD GWENER, 13 CHWEFOR 2026
AGOR:	DYDD LLUN 23 CHWEFOR 2026
YN CAU:	DYDD GWENER, 27 MAWRTH 2026



TYMOR YR HAF

AGOR:	DYDD LLUN, 13 EBRILL 2026
<u>GWYL BANC WEDI CAU:</u>	<u>DYDD LLUN, 4 MAI 2026</u>
YN CAU:	DYDD GWENER, 22 MAI 2026
AGOR:	DYDD LLUN, 1 MEHEFIN 2026
YN CAU:	DYDD GWENER, 17 GORFFENNAF 2026

DYDDIADAU HYFFORDDI ATHRAWON

1 MEDI 2025
2 MEDI 2025
3 TACHWEDD 2025
5 IONAWR 2026
13 MAWRTH 2026
20 GORFFENNAF 2026

Cytundeb Catref/Ysgol

Dyma gopi o'r cytundeb sy'n cael ei harwyddo gan y plentyn a'i rieni/ gofalwyr pan fydd yn dod i'r ysgol yn llawn amser:

Ysgol Bro Alun

CYTUNDEB CARTREF – YSGOL

Enw'r Plentyn: _____

Ein bwriad yn Ysgol Bro Alun yw:

- ☐ gofalu am hapusrwydd a diogelwch eich plentyn;
- ☐ sicrhau bod eich plentyn yn cyrraedd ei lawn potensial fel aelod gwerthfawr o'r ysgol a'r gymdeithas;
- ☐ darparu cyfleoedd i feithrin a chymhwyso'u gwybodaeth a'u dealltwriaeth o nodweddion diwylliannol, economaidd, amgylcheddol, hanesyddol ac yn enwedig ieithyddol Cymru;
- ☐ darparu cwrwllwm gytbwys a fydd yn cwrdd ag anghenion unigol eich plentyn;
- ☐ sicrhau safonau uchel mewn addysg ac ymddygiad drwy adeiladu perthynas dda a meithrin y syniad o gyfrifoldeb;
- ☐ eich hysbysebu am faterion cyffredinol ac yn arbennig cynnydd eich plentyn;
- ☐ bod yn groesawgar a chynnig cyfleoedd i chwi ymwneud â bywyd yr ysgol.

Llofnod _____ (Pennaeth)

Y Rhieni / Gwarcheidwad

Byddaf/Byddwn yn:

- ☐ sicrhau bod ein plentyn yn dod i'r ysgol yn rheolaidd ac yn brydlon;
- ☐ hysbysu'r ysgol am unrhyw broblemau a all effeithio ar addysg ac ymddygiad y plentyn;
- ☐ cefnogi polisiâu a chanllawiau ymddygiad yr ysgol;
- ☐ annog fy mhentyn i siarad Cymraeg a chefnogi'r ysgol wrth sicrhau mai Cymraeg yw iaith bob dydd yr ysgol
- ☐ cefnogi fy mhentyn gyda'i waith cartref a chyfleoedd eraill i ddysgu gartref;
- ☐ mynychu nosweithiau rhieni i drafod cynnydd fy mhentyn
- ☐ dod i wybod am fywyd ysgol fy mhentyn
- ☐ deallaf na fydd yr ysgol yn goddef unrhyw ymddygiad bygythiol, boed yn eiriol, ar lein neu'n gorfforol yn erbyn staff gan rieni na phlant

Llofnod _____ (Rhiant / Gwarcheidwad)/...../.....

Canlyniadau Aseidiadau Athrawon

Mae staff yr ysgol yn olrhain a thracio cynydd unigolion a grwpiau o ddysgwyr o fewn yr ysgol.





2025–26